



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

დოღონაძე რომან ისიდორეს ძე

დოღონაძე რომან ისიდორეს ძე [22. XII. 1905 (4. I. 1906), სოფ. ნახშირღელე, ახლანდ. თერჯოლის მუნიციპალიტეტი, – 20. XII. 1970, თბილისი], აგრონომი. სოფ. მეურნ. მეცნ. დოქტორი (1959), პროფესორი (1962), საქართვე. მეცნ. დამს. მოღვაწე (1966).

1927 დაამთავრა თსუ-ის აგრონ. ფაკ-ტი. 1946–70 სამეცნ. მუშაობას ეწეოდა საკავშ. და რესპუბლიკურ სამეცნ.-კვლევით ინ-ტებში. 1952–56 მივლინებული იყო ალბანეთში სოფ. მეურნ. სამინისტროს უფროს მრჩეველად.

დ-მ საქართვე. პირობებში დაამუშავა ჩაისა და ზოგიერთი სხვა სუბტროპ. კულტურის (ევკალიპტი, დაფნა, ტუნგი) აგროტექნიკის საკითხები, აქტიური მონაწილეობა მიიღო კოლხეთის დაბლობის ათვისების საქმეში. თანაავტორია სახელმძღვანელოსი „სუბტროპიკული ტექნიკური კულტურები“.

მიღებული აქვს სახელმწ. ჯილდოები.

თხზ.: კეთილშობილი დაფნა, თბ., 1963; Культура эвкалипта в СССР, М., 1952.

გ. თოდუა
